



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 840, (+374 60) 830 850

Էլ-փոստ՝ info@competition.am, վեբ կայք՝ <http://www.competition.am>

«15» 08 2023թ.

No 007321

ՖԻԶԻԿԱԿԱՆ ԱՆՁ

ՏԻԿԻՆ ՎԱՐՍԵՆԻԿ ՌՈՒԲԵՆԻ ԳՐԻԳՈՐՅԱՆԻՆ

(հասցե՝ ՀՀ, ք. Գավառ, Դաշտոյան 27/15, էլ փոստ՝ bostanchyanhrant@rambler.ru)

Հարգելի՛ տիկին Գրիգորյան,

Մրցակցության պաշտպանության հանձնաժողովը (այսուհետ՝ Հանձնաժողով) 2023 թվականի օգոստոսի 15-ին ընդունել է ««Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի նկատմամբ պատասխանատվության միջոց կիրառելու մասին» թիվ 356-Ա որոշումը (այսուհետ՝ թիվ 356-Ա որոշում), որի 3-րդ կետով ֆիզիկական անձ Վարսենիկ Ռուբենի Գրիգորյանի նկատմամբ նշանակվել է տուգանք 1 000 000 (մեկ միլիոն) ՀՀ դրամի չափով:

Տեղեկացնում ենք նաև, որ.

1. թիվ 356-Ա որոշմամբ նշանակված տուգանքը ենթակա է վճարման Հանձնաժողովի 900005024147 հաշվեհամարին.

2. թիվ 356-Ա որոշմամբ նշանակված տուգանքի 75 տոկոսը որոշման ուժի մեջ մտնելուց հետո՝ երկամսյա ժամկետում, վճարելու դեպքում տուգանքի վճարման պարտականությունը համարվում է պատշաճ կատարված.

3. թիվ 356-Ա որոշման 3-րդ կետը դրանով նշանակված տուգանքը մինչև թիվ 357-Ա որոշման անբողոքարկելի դառնալը չվճարելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

4. Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ նաև՝ Համակարգ) միջոցով, որի համար անհրաժեշտ է գրանցվել Համակարգում՝ մուտք

գործելով Հանձնաժողովի պաշտոնական կայքի (www.competition.am) «Իմ էջը» բաժին,
ընտրելով «Գրանցվել» հրամանը և լրացնելով անձի նույնականացման համար
պահանջվող տվյալները:

Կից ուղարկվում է թիվ 356-Ա որոշման պատճենը:

Առդիր՝ «8» թերթ:

ՀԱՐԳԱՆՔՈՎ՝



ԱՇՈՏ ՎԱՀԱՆՅԱՆ

Համակենտրոնացումների, պետական օժանդակության և
պետական գնումների վերահսկողության բաժին
Կարարող՝ Քրիստինե Մուրադյան
Հեռ՝ (+374 60) 830 840 (232)



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

15 օգոստոսի 2023 թվականի թիվ 356-Ա

«ԼՈՒՅՍ ԻՆՎԵՍԹՄԵՆԹՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԵՎ ՖԻԶԻԿԱԿԱՆ ԱՆՁ ՎԱՐՍԵՆԻԿ ՌՈՒԲԵՆԻ ԳՐԻԳՈՐՅԱՆԻ ՆԿԱՏՄԱՄԲ ՊԱՏԱՍԽԱՆԱՏՎՈՒԹՅԱՆ ՄԻՋՈՑ ԿԻՐԱՌԵԼՈՒ ՄԱՍԻՆ

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2023 թվականի օգոստոսի 15-ի նիստում, քննարկելով «Լույս Ինվեսթմենթս» սահմանափակ պատասխանատվությամբ ընկերության (այսուհետ նաև՝ «Լույս Ինվեսթմենթս» **ընկերություն**) և ֆիզիկական անձ Վարսենիկ Ռուբենի Գրիգորյանի նկատմամբ պատասխանատվության միջոց կիրառելու մասին հարցը,

Պ Ա Ր Զ Ե Ց

1. Վարույթի ընթացքի հակիրճ նկարագրությունը.

Հանձնաժողովի 2023 թվականի հունիսի 13-ի ««Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի կողմից տնտեսական մրցակցության բնագավառում իրավախախտման վերաբերյալ վարույթ հարուցելու մասին» թիվ 271-Ա որոշմամբ (այսուհետ նաև՝ **թիվ 271-Ա** որոշում) հարուցվել է թիվ ՀԳ-02165/23 վարույթը՝ (այսուհետ նաև՝ **Վարույթ**) չհայտարարագրված համակենտրոնացման հատկանիշների առերևույթ առկայության հիմքով:

Հանձնաժողովը 2023 թվականի հուլիսի 18-ին ընդունել է «Թիվ ՀԳ-02165/23 վարույթով պատասխանողներ «Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի կողմից ներկայացված միջնորդությունները բավարարելու և արագացված վարույթ կիրառելու մասին» թիվ 336-Ա որոշումը (այսուհետ նաև՝ **թիվ 336-Ա** որոշում):

2. Վարույթի հարուցման առիթի և հիմքի հակիրճ նկարագրությունը.

Հանձնաժողովի մրցակցության գնահատման և վերահսկողության վարչության համակենտրոնացումների, պետական օժանդակության և պետական գնումների վերահսկողության բաժնի կողմից 2023 թվականի հունիսի 2-ին ներկայացվել է զեկուցագիր՝ 2021 թվականի նոյեմբերի 30-ին «Լույս Ինվեսթմենթս» ընկերությունում տեղի ունեցած մասնակցի փոփոխության վերաբերյալ:

Մասնավորապես՝ 2021 թվականի նոյեմբերի 30-ին ֆիզիկական անձ Վարսենիկ Ռուբենի Գրիգորյանի կողմից ձեռք է բերվել «Լույս Ինվեսթմենթս» ընկերության կանոնադրական կապիտալում փակ բաժնետիրական ընկերությանը պատկանող արդյունքում ունենալով ընկերության կանոնադրական կապիտալի բաժնեմասը (այսուհետ նաև՝ **Գործարք**):

«Լույս Ինվեսթմենթս» ընկերության 2020 թվականի ֆինանսական տարվա ակտիվների արժեքը կազմել է ՀՀ դրամ, իսկ հասույթի չափը՝ ՀՀ դրամ:

Հանձնաժողովը, հաշվի առնելով, որ Գործարքի կնքմանը նախորդող վերջին ֆինանսական տարում «Լույս Ինվեսթմենթս» ընկերության ակտիվների արժեքը գերազանցել է Հանձնաժողովի 2021 թվականի նոյեմբերի 9-ի «Հայտարարագրման ենթակա համակենտրոնացումների մասնակիցների ակտիվների և հասույթների չափերը, համակենտրոնացման հայտարարագրման կարգը և հայտարարագրի ձևը սահմանելու և Տնտեսական մրցակցության պաշտպանության պետական հանձնաժողովի 2016 թվականի դեկտեմբերի 16-ի թիվ 478-Ն որոշումը ուժը կորցրած ճանաչելու մասին» թիվ 322-Ն որոշման (այսուհետ նաև՝ **Թիվ 322-Ն որոշում**) հավելված 1-ով սահմանված ակտիվների արժեքը, «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի նկատմամբ հարուցել է Վարույթ՝ առերևույթ չհայտարարագրված համակենտրոնացման դրսևորմամբ «Տնտեսական մրցակցության պաշտպանության մասին» օրենքի (այսուհետ նաև՝ **Օրենք**) խախտման հատկանիշներով:

3. «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի դիրքորոշումները.

«Լույս Ինվեսթմենթս» ընկերությունը և ֆիզիկական անձ Վարսենիկ Ռուբենի Գրիգորյանը թիվ 271-Ա որոշումը փոստի միջոցով ստացել են համապատասխանաբար 2023 թվականի հունիսի 20-ին և հուլիսի 3-ին, նույն թվականի հուլիսի 4-ին Հանձնաժողով են ներկայացրել նույնաբովանդակ միջնորդություններ արագացված վարույթ կիրառելու մասին (այսուհետ նաև՝ **Միջնորդություններ**)՝ հայտնելով իրենց կողմից իրավախախտման կատարման փաստի ընդունման մասին:

4. Հանձնաժողովի կողմից պահանջված և ստացված փաստաթղթերը և այլ տեղեկատվությունը.

Հանձնաժողովը 2023 թվականի մարտի 27-ի թիվ 002690 և հունիսի 14-ի թիվ 005224 գրություններով համապատասխանաբար դիմել է «Լույս Ինվեսթմենթս» ընկերությանը և

Ֆիզիկական անձ Վարսենիկ Ռուբենի Գրիգորյանին՝ Գործարքի վերաբերյալ տեղեկատվություն ստանալու նպատակով:

Համաձայն Հանձնաժողով ներկայացված տեղեկատվության՝ «Լույս Ինվեսթմենթս» ընկերությունը առևտրային կազմակերպություն է, իրականացնում է կոնյակի արտադրություն և վաճառք, արտադրվում են 3 տարուց մինչև 30 տարի հնեցում ունեցող կոնյակներ: («Ցար Տիգրան» ապրանքային նշանով): Արտադրանքը իրացվում է ՀՀ տարածքում, ինչպես նաև արտահանվում է ՌԴ, Ուկրաինա, Բալթյան երկրներ և այլն:

«Լույս Ինվեսթմենթս» ընկերությանն է պատկանում

Գործարքը գործողության մեջ դնելու օրվա՝ 2021 թվականի նոյեմբերի 30-ի դրությամբ «Լույս Ինվեսթմենթս» ընկերության մասնակիցներն են հանդիսացել իսկ Գործարքը գործողության մեջ դնելուց հետո

5. Գործի բազմակողմանի, լրիվ և օբյեկտիվ քննարկման արդյունքում Հանձնաժողովը հաստատված է համարում հետևյալ փաստական հանգամանքները.

1) Ֆիզիկական անձ Վարսենիկ Ռուբենի Գրիգորյանը 2021 թվականի նոյեմբերի 30-ին ձեռք է բերել «Լույս Ինվեսթմենթս» ընկերության կանոնադրական կապիտալում

փակ բաժնետիրական ընկերությանը պատկանող տոկոս բաժնեմասը՝ արդյունքում ունենալով ընկերության կանոնադրական կապիտալի տոկոս բաժնեմասը:

2) «Լույս Ինվեսթմենթս» ընկերության 2020 թվականի ֆինանսական տարվա ակտիվների արժեքը կազմել է ՀՀ դրամ, իսկ հասույթի չափը՝ դրամ ՀՀ դրամ:

3) «Լույս Ինվեսթմենթս» ընկերությունն իրականացնում է կոնյակի արտադրություն և վաճառք: Արտադրվում են 3 տարուց մինչև 30 տարի հնեցում ունեցող կոնյակներ («Ցար Տիգրան» ապրանքային նշանով): Արտադրանքը իրացվում է ՀՀ տարածքում, ինչպես նաև արտահանվում է ՌԴ, Ուկրաինա, Բալթյան երկրներ և այլն:

4)

5)

6) Հանձնաժողովը 2023 թվականի հուլիսի 18-ի թիվ 336-Ա որոշմամբ բավարարել է «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի կողմից Հանձնաժողով ներկայացված Միջնորդությունները և կիրառել է արագացված վարույթ:

6. Վարույթի փաստական հանգամանքների և վերաբերելի իրավական նորմերի ուսումնասիրության և վերլուծության արդյունքում Հանձնաժողովը եզրահանգում է հետևյալին.

1) «Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի կողմից իրավախախտում կատարված լինելու հարցի կապակցությամբ.

Օրենքի 73-րդ հոդվածի 1-ին մասի համաձայն՝ հայտարարագրման ենթակա համակենտրոնացումը համարվում է չհայտարարագրված, եթե այն գործողության մեջ է դրվել առանց Հանձնաժողովի՝ համակենտրոնացումը թույլատրելու մասին որոշման, և առկա չէ սույն հոդվածի 2-րդ մասով նախատեսված դեպքերից որևէ մեկը:

Օրենքի 88-րդ հոդվածի 1-ին մասի համաձայն՝ տնտեսական մրցակցության բնագավառում իրավախախտման վերաբերյալ վարույթ հարուցելու մասին որոշումն ստանալու օրվանից երկշաբաթյա ժամկետում վարույթով պատասխանողը իրեն վերագրվող իրավախախտման հետևանքները վերացրած լինելու և իրավախախտման փաստն ընդունելու, իսկ սույն օրենքի 73-րդ հոդվածով նախատեսված դեպքում միայն իրավախախտման փաստն ընդունելու դեպքում կարող է արագացված վարույթ կիրառելու մասին միջնորդություն ներկայացնել Հանձնաժողով:

Օրենքի 88-րդ հոդվածի 2-րդ մասի համաձայն՝ արագացված վարույթ կիրառելու մասին միջնորդություն ներկայացվելու դեպքում վարույթով պատասխանողը չի կարող հետագայում հերքել իր կողմից իրավախախտում կատարելու փաստը:

Օրենքի 88-րդ հոդվածի 5-րդ մասի համաձայն՝ արագացված վարույթ կիրառելու մասին որոշում կայացվելու դեպքում գործի՝ ըստ էության քննությանն ուղղված գործողություններ չեն իրականացվում, և գնահատվում են միայն պատասխանատվությունը մեղմացնող և ծանրացնող հանգամանքները:

Այսպիսով, ֆիզիկական անձ Վարսենիկ Ռուբենի Գրիգորյանի կողմից 2021 թվականի նոյեմբերի 30-ին «Լույս Ինվեսթմենթս» ընկերության կանոնադրական կապիտալում

ընկերությանը պատկանող տոկոս բաժնեմասի ձեռքբերման Գործարքը ենթակա է եղել հայտարարագրման, քանի որ Գործարքին նախորդող ֆինանսական տարվա դրությամբ՝ «Լույս Ինվեսթմենթս» ընկերության ակտիվների արժեքը գերազանցել է Հանձնաժողովի Թիվ 322-Ն որոշման հավելված 1-ով սահմանված ակտիվների արժեքը, ուստի «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի նկատմամբ առերևույթ չհայտարարագրված համակենտրոնացման դրսևորմամբ Օրենքի խախտման հատկանիշների առկայության հիմքով հարուցվել է վարույթ:

«Լույս Ինվեսթմենթս» ընկերությունը և ֆիզիկական անձ Վարսենիկ Ռուբենի Գրիգորյանը ընդունել են իրենց վերագրվող իրավախախտման փաստը, միջնորդել կիրառել արագացված վարույթ և Հանձնաժողովը կայացրել է արագացված վարույթ կիրառելու մասին որոշում:

Միևնույն ժամանակ, հարկ է արձանագրել, որ ֆիզիկական անձ Վարսենիկ Ռուբենի Գրիգորյանի կողմից 2021 թվականի նոյեմբերի 30-ին «Լույս Ինվեսթմենթս» ընկերության կանոնադրական կապիտալում

ընկերությանը պատկանող տոկոս բաժնեմասի ձեռքբերման Գործարքը մինչև գործողության մեջ դնելը հայտարարագրվելու դեպքում ենթակա կլինե՞ր գնահատման որպես խառը համակենտրոնացում, հաշվի առնելով այն հանգամանքը, որ

ընկերությունն իրականացնում է կոնյակի արտադրություն և վաճառք, իսկ ֆիզիկական անձ Վարսենիկ Ռուբենի Գրիգորյանին է պատկանում

Հաշվի առնելով վերոգրյալը՝ Հանձնաժողովը հաստատված է համարում «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի կողմից իրավախախտում կատարված լինելը, մասնավորապես համակենտրոնացման մասնակիցների կողմից հայտարարագրման ենթակա համակենտրոնացումները մինչև

գործողության մեջ դնելը չհայտարարագրելը, որի կապակցությամբ օրենսդրությամբ նախատեսված է իրավական հետևանք՝ պատասխանատվության միջոցի կիրառում:

2) «Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի նկատմամբ պատասխանատվության միջոց կիրառելու հարցի կապակցությամբ.

Օրենքի 92-րդ հոդվածի 1-ին մասի համաձայն՝ տնտեսական մրցակցության բնագավառում իրավախախտման համար Հանձնաժողովն իրավասու է տնտեսավարող սուբյեկտներին, պետական մարմիններին և դրանց պաշտոնատար անձանց տալու նախազգուշացում կամ նշանակելու տուգանք:

Օրենքի 93-րդ հոդվածի 5-րդ մասի համաձայն՝ համակենտրոնացումը չհայտարարագրելու համար նշանակվող տուգանքի չափը կազմում է մինչև հինգ միլիոն դրամ:

Օրենքի 94-րդ հոդվածի 1-ին մասի համաձայն՝ պատասխանատվության միջոց կիրառելիս Հանձնաժողովը հաշվի է առնում տվյալ իրավախախտման բնույթը, տևողությունը, իրավախախտման հնարավոր կամ փաստացի ազդեցությունը շուկայում մրցակցային իրավիճակի կամ սպառողների շահերի վրա, տնտեսավարող սուբյեկտի կողմից տվյալ խախտման կրկնակիությունը, եթե նախորդ խախտման համար պատասխանատվության միջոց կիրառելու օրվանից չի անցել հինգ տարի, տնտեսավարող սուբյեկտի դիտավորության աստիճանը, տնտեսավարող սուբյեկտի կողմից իրավախախտում կատարվելու շարժառիթները և հանգամանքները, տնտեսավարող սուբյեկտի կողմից իրավախախտում կատարվելու փաստն ընդունելու կամ Հանձնաժողովի հետ համագործակցելու հանգամանքը, պատասխանատվությունից ազատելու հիմքերը, տնտեսավարող սուբյեկտի վրա նշանակվող տուգանքի հնարավոր ազդեցությունը, տվյալ տնտեսավարող սուբյեկտի գործունեության ոլորտը և տնտեսավարող սուբյեկտի պատմությունը:

Օրենքի 88-րդ հոդվածի 7-րդ մասի համաձայն՝ արագացված վարույթի կիրառման արդյունքում պատասխանատվության միջոց կիրառելիս, պատասխանատվության միջոցը չի կարող գերազանցել տվյալ իրավախախտման համար նախատեսված ամենախիստ պատասխանատվության միջոցի մեկ երկրորդը:

Հանձնաժողովի 2021 թվականի դեկտեմբերի 28-ի «Պատասխանատվության միջոցի ընտրության և տուգանքի հաշվարկման մեթոդաբանությունը սահմանելու մասին» թիվ 395-Ն որոշման (այսուհետ նաև՝ **Թիվ 395-Ն որոշում**) հավելվածով սահմանված պատասխանատվության միջոցի ընտրության և տուգանքի հաշվարկման մեթոդաբանության (այսուհետ նաև՝ **Մեթոդաբանություն**) 9-րդ կետի համաձայն՝ տուգանքը հաշվարկվում է $S = F + F \times (\Theta - U)$ բանաձևով, որտեղ՝ S-ն տուգանքի չափն է, F-ն տուգանքի բազային գումարն է, Θ -ն բոլոր ծանրացնող հանգամանքների համար սահմանված տոկոսների հանրագումարն է, U-ն բոլոր մեղմացնող հանգամանքների համար սահմանված տոկոսների հանրագումարն է:

Բազային գումարի հաշվարկը.

Մեթոդաբանության 9-րդ կետի 4-րդ ենթակետի «ա» պարբերության համաձայն՝ չորրորդ խումբ իրավախախտումների դեպքում կիրառվող մեթոդը վերաբերում է համակենտրոնացման չհայտարարագրմանը: Մեթոդաբանության 27-րդ կետի համաձայն՝ չորրորդ խումբ իրավախախտումների դեպքում տուգանքի բազային գումարը Մեթոդաբանության 11-րդ կետի 4-րդ ենթակետի «ա», «բ», «գ», «դ» պարբերություններում նախատեսված իրավախախտումների համար հավասար է 2 000 000 ՀՀ դրամ:

Պատասխանատվությունը ծանրացնող և մեղմացնող հանգամանքներ.

Մեթոդաբանության 35-36-րդ կետերով և 41-42-րդ կետերով սահմանված են չորրորդ խումբ իրավախախտումների դեպքում պատասխանատվությունը ծանրացնող և մեղմացնող հանգամանքները, ինչպես նաև սահմանված են բազային գումարը ծանրացնող և մեղմացնող հանգամանքների հաշվարկման դրույքաչափերը:

Մեթոդաբանության 43-րդ կետի համաձայն՝ Հանձնաժողովը դիտարկում ու վարչական ակտում արտացոլում է միայն այն ծանրացնող և մեղմացնող հանգամանքները, որոնք հաստատվել են համապատասխան վարույթի ընթացքում:

Մեթոդաբանության 44-րդ կետի համաձայն՝ մեղմացնող հանգամանքի առկայության ապացուցման բեռը կրում է վարույթով պատասխանողը:

Սույն գործով Հանձնաժողովի կողմից ծանրացնող և մեղմացնող որևէ հանգամանք չի հայտնաբերվել և չի հաստատվել:

Տուգանքի հաշվարկը.

Վերոշարադրյալից հետևում է, որ տուգանքի չափը կազմում է 2 000 000 ՀՀ դրամ՝ համաձայն հետևյալ հաշվարկի.

$$S = F + F \times (\% - 0) = 2\,000\,000 + 2\,000\,000 \times (0\% - 0\%) = 2\,000\,000 \text{ ՀՀ դրամ:}$$

Մեթոդաբանության 47-րդ կետի համաձայն՝ արագացված վարույթի կիրառման արդյունքում Հանձնաժողովը նշանակում է Մեթոդաբանությամբ հաշվարկված տուգանքի 50 տոկոսը:

Այսինքն, «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի նկատմամբ յուրաքանչյուրի մասով նշանակվող տուգանքի չափը կազմում է 1 000 000 ՀՀ դրամ:

Այսպիսով, հաշվի առնելով վերոնշյալ հանգամանքները և հիմք ընդունելով Հանձնաժողովի Թիվ 395-Ն որոշումը, Հանձնաժողովն արձանագրում է, որ «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի նկատմամբ յուրաքանչյուրի մասով անհրաժեշտ է նշանակել տուգանք՝ 1 000 000 ՀՀ դրամի չափով:

3) «Լույս Ինվեսթմենթս» սահմանափակ պատասխանատվությամբ ընկերությանը և ֆիզիկական անձ Վարսենիկ Ռուբենի Գրիգորյանին հանձնարարություն տալու հարցի կապակցությամբ.

Օրենքի 37-րդ հոդվածի 1-ին մասի 3-րդ կետի համաձայն՝ Հանձնաժողովը սույն օրենքը խախտելու համար տնտեսավարող սուբյեկտներին, պետական մարմիններին և նրանց պաշտոնատար անձանց ենթարկում է պատասխանատվության՝ հանձնարարելով իր սահմանած ժամկետում շտկել խախտումը և հետագայում բացառել այն:

Տվյալ դեպքում, Հանձնաժողովի կողմից կատարված ուսումնասիրությունների արդյունքում արձանագրվել է, որ «Լույս Ինվեսթմենթս» ընկերության և ֆիզիկական անձ Վարսենիկ Ռուբենի Գրիգորյանի կողմից կատարված իրավախախտումը չհայտարարագրված համակենտրոնացում է, հետևաբար հանձնարարություն տալու անհրաժեշտությունը բացակայում է:

7. Եզրափակիչ մաս.

Հիմք ընդունելով վերոգրյալը և ղեկավարվելով Օրենքի 37-րդ հոդվածի 1-ին մասի 3-րդ կետով, 67-րդ հոդվածի 2-րդ մասով, 88-րդ հոդվածի 6-րդ մասով, 100-րդ հոդվածի 2-րդ մասով, «Վարչարարության հիմունքների և վարչական վարույթի մասին» օրենքի 70-րդ և 71-րդ հոդվածներով, Հայաստանի Հանրապետության վարչական դատավարության օրենսգրքի 72-րդ հոդվածի 1-ին մասի 1-ին կետով՝ Հանձնաժողովը

Ո Ր Ո Շ Ե Ց

1. «Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի կողմից 2021 թվականի նոյեմբերի 30-ի համակենտրոնացումը չհայտարարագրելը որակել որպես չհայտարարագրված համակենտրոնացում (այսուհետ՝ **Օրենքի խախտում**):

2. Օրենքի խախտման համար «Լույս Ինվեսթմենթս» սահմանափակ պատասխանատվությամբ ընկերության նկատմամբ նշանակել 1 000 000 (մեկ միլիոն) ՀՀ դրամի չափով տուգանք:

3. Օրենքի խախտման համար ֆիզիկական անձ Վարսենիկ Ռուբենի Գրիգորյանի նկատմամբ նշանակել 1 000 000 (մեկ միլիոն) ՀՀ դրամի չափով տուգանք:

4. Սույն որոշումը «Լույս Ինվեսթմենթս» սահմանափակ պատասխանատվությամբ ընկերության և ֆիզիկական անձ Վարսենիկ Ռուբենի Գրիգորյանի նկատմամբ յուրաքանչյուրի մասով ուժի մեջ է մտնում դրա պատճենը համապատասխանաբար «Լույս Ինվեսթմենթս» սահմանափակ պատասխանատվությամբ ընկերությանը և ֆիզիկական անձ Վարսենիկ Ռուբենի Գրիգորյանին հանձնելուն հաջորդող օրվանից:

5. Սույն որոշման 2-րդ և 3-րդ կետերը դրանցով նշանակված տուգանքը մինչև սույն որոշման անբողոքարկելի դառնալը չվճարվելու դեպքում ենթակա են հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

6. Սույն որոշումը կարող է բողոքարկվել վարչական կամ դատական կարգով՝ ուժի մեջ մտնելու օրվանից երկամսյա ժամկետում:

7. Սույն որոշման բողոքարկումը չի կասեցնում դրա գործողությունը կամ կատարումը:

**ՆԱԽԱԳԱՀԻՆ
ԺԱՄԱՆԱԿԱՎՈՐ ՓՈԽԱՐԻՆՈՂ**

Տ. ՄԱՐԿՈՍՅԱՆ

2023 թ. օգոստոսի 15
Երևան